

務安朴氏派譜序

我東朴氏盡是新羅王之苗裔也其源甚豐其派甚衆殆遍國中而貫於務安者寔以麗朝典酒公諱進昇爲始歷世滋久氏葉蕃衍散在各處譜昔總合而今難如昔故務安所居愛閒亭公諱益卿之派派譜是修琮相錫日徵序于余噫愛閒亭公以端朝名臣志死六及禍作南歸務安守義自靖至曾玄孫諸公壬亂杖義俱蒙勳爵忠節著聞自後閱興旺雲仍螽斯此莫非愛閒亭之種德厚蔭易所謂積善之家必有余慶豈其不信乎哉凡譜於斯者苟能有孝悌之心油然而生如蘇氏之說而得乎程夫子所云收宗族而厚風俗者則其於承先裕後復其庶幾乎請以是書于卷端主管者亦炳周錫元佐幹者允和炳石千載云

岾乙未夏夏從仕郎孝德殿參奉恩津宋在晟謹序

夫譜者以尊祖重宗情誼融貫爲義例而世之修譜家必曰大譜則圓滿無憾派譜則偏成情貫云一轉念之凡人情遠則踈近則親無以議爲然則大譜圓滿雖曰圓滿居隔千百生末嘗一面於情貫難矣派譜偏成雖

曰偏成居近隣比慶吊相問於情貫得矣此蘇氏四世之譜所以作也則今修派譜亦或不可爲大不可矣夫選在丁卯修大譜規模謹嚴其作篇次序間有未穩處今距丁卯將爲三十年之久久不釐正儻至忘域實不可知況子行已老孫行已長時亦晚矣豈不續修哉念東國之朴俱祖於始祖王而溯源尙矣惟我務安之貫始於勝朝典酒公而自是以降位列將相照耀國乘國朝創業楓亭先生定社立功廟食柄祠其玄孫愛閭亭先生忠孝學行大闡當世配食先祠是爲我務安分房之派祖也厥後肖子若孫相繼而作有出而殉國有隱而養德者繁不盡述又有所感焉者自愛閭亭迄于茲代數不滿二十而孫支蕃衍其麗幾至六千會合一場續修派譜之議如約一致爭先奉單一個月而告功成感動得祖先之靈默佑未艾僉宗之情厚深無疑則向所謂情貫之意者豈其虛道也凡我同譜諸族奉覽此譜尊吾祖敦吾族之心自然感發於秉彝中出來矣是役也都有司琮相尸事如一余亦猥叅勘校之列得聞其一二不揆僭妄敢叙顛末如右云

進士公十一代孫然興謹識

派譜者大譜之分也大譜者派譜之合也其孰不修大譜而欲修派譜今則世故雲雷人事差池復修大譜一如逞昔難矣難則如之何乃修派譜不失其修譜之期不亦可乎是以吾派派譜修之議自去冬起而皆一意同諾因定都有司總務有商裁周旋又置掌財爲收入支出而後至今春而俾譜之草單校正精寫夏之四五月光山百餘里用活字印以成六冊子蓋此譜也雖云派譜溯逮其源則與大譜同且愛閭先祖恰爲十五六世而其後裔螽斯椒聊則猶爲派譜之大譜耳誰敢以孱派族數世之譜一例視之也顧此疆徐界墊於俗累而罔知修譜者或有之拘於力綿而靡遑修譜者或有之而吾則免之可謂幸矣以此莫京之役終無汔濡而所以善濟者將非吾派與彼江漢之沱潛永爲潛潛之漸耶然修譜之義惟在於尊祖敦族豈可以役之竣遽自爲足也尊祖者何心祖之心行祖之行而克致尊慕之誠是也敦族者何樂諸族之樂憂諸族之憂而式盡敦睦之誼是也以是二者爲一大急務而薄言不釋造次無斁而後今

日所修之譜方爲其譜矣若不然而未修這樣已修這樣則雖百有其譜有何所補哉言之及此可知修譜一事萬萬有殊於凡事之作矣

夫修史者有三長而後得之則譜亦家史也以若無一長者安敢犯手於家史也猥叅校任之列者卽一門僉座之命耳於是不可無言故始言修譜之由中言修譜之實終言修譜之有關於尊祖敦族以爲此派譜序云

竹軒公九代孫淇青謹識

夫有姓則有族有族則有譜譜族之義重於人家先輩論之多矣余何架疊爲哉吾朴自受貫于務安以來子姓蕃衍其麗萬千在昔辛甲壬己之年合爲同譜者凡四度而在今日則時擾恟々塗路落落雖欲合譜勢不可得且修譜之期已過則待其後日亦不可故惟我先祖愛閒亭府君之雲仍於是乎以派譜之意僉議一致合單于栖山永慕齋銀梓於光山印刷所不滿數月而工已告訖其功役之敏速雖云後承之同心致力無乃先靈之默佑陰詔者歟嗚呼使吾宗如無修譜則祖先之勲業官封吾何以知之諸派之宗文昭穆吾何以分之然則族之有譜顧不重歟夫設譜

之規匪直爲講先世而已欲使親盡之人幸不至於塗人蘇老泉孝悌之心油然而生正謂此也惟願同譜諸位罔以親盡而或慙罔以居遠而相踈或有無服者以塗人視之吾能以同姓之義裁之而待之盡其道焉則吾族之敦睦永不替於來百矣不肖猥在相役之列故略綴數語以附其尾云爾

振威公十代孫寧彩謹識

務安朴氏新羅璿繼總圖上

新羅

始祖王

嗣南解王

嗣儒理王

嗣逸聖王

嗣阿達羅王

男碧芳

子武英

二世

三世

四世

五世

六世

七世

姓朴氏諱赫居世

壬子（漢宣帝地

節元年）秋七月

誕降甲子（五鳳

元年）夏四月丙

辰即位號居西干

都辰韓之地（今

慶州）建國號曰

徐羅後改稱新羅

甲子（漢平帝元

始四年）三月薨

在位六十一年壽

七十三○陵國都

南七里曇巖寺傍

南亭藪內卯坐

妃 王后闕英氏

戊辰五年（漢宣

帝甘露元年）春

正月立爲妃誕三

男一女王薨之七

日薨陵始祖王陵

同原卯生

解或作海諱懿亦

曰次雄

始祖王八年辛未

（漢甘露四年）誕

降甲子（漢平帝

元始元年）即位

號次次雄甲申漢

更始二年秋九月

薨在位二十年壽

七十四陵始祖王

陵同原卯坐

妃雲帝王后金氏

（一云雲梯夫人）

誕二男二女○陵

方山子坐

繼妃阿婁王后昔氏

（一云阿夫人）

諱治理亦日齒理

甲申（漢更始二

年）即位丁巳（

漢光武中元二年

）冬十月薨在位

三十三年陵始祖

王陵同原卯坐

妃明宣王后金氏葛

文王日如女誕二

男二女○陵東山

子坐

諱未詳

儒理王三年甲辰

（漢建武二十年）

誕降甲戌（漢順

帝陽嘉三年）卽

位甲午（漢桓帝

永興二年）春二

月薨在位二十年

壽一百一十一○陵

國都南七里蟹目

嶺下漿田洞卯坐

妃 王后昔氏誕

一男○陵金西門

外子坐

繼妃正安王后許氏

嗣婆娑王

諱檢

庚辰（漢建帝建

初五年）卽位壬

子（漢安帝永初

六年）冬十月薨

諱未詳

甲午（漢桓帝永

興二年）卽位甲

子（漢靈帝中平

元年）春三月薨

在位三十年○陵

國都南十五里拜

日山卯坐

妃 王后昔氏誕

一男一女○陵金

西門外子坐

嗣祇摩王

諱 云祇味未詳

壬子（漢安帝永

初六年）卽位甲

戌（漢順帝陽嘉

三年）秋八月薨

早卒

昔氏伐休王朝追

封葛文王○墓金

西門外子坐

夫人 金氏○墓

同原子坐

公主

昔奈解王

男伊非

娶于韓國夫人金

氏

主公 昔良乙

見下

跋

於惟我派譜之役先進僉丈德舉其原委既序而相之其所以稱述先德勸勉後進者可謂括盡無蘊矣不肖以前劣况文辭固淺於其跋之爲爲之無所補不爲無所闕徒添合信上一勞何益之有然將述先睦族底話頭則愈多不厭竟不害其修譜之本義故乃強跋之曰凡人之所貴乎譜者以其奉祖先收宗族也所重乎祖先宗族者爲其奉誠敬相親睦也誠敬與親睦能行罔愆則耳雲之興孝悌厚風俗不必要言恭惟先祖愛閒亭先生積累仁基綿綿未艾世不滿二十其麗近萬今焉修譜雖曰派譜視諸孱門單族盡蒐同貫之爲爲有廣矣而一發譜議頓無主角閱數月粧黃一以感祖先之靈默佑於冥冥之中一以賀任員諸氏之勤賢勞於本本之役卒業盛舉猗歟願我僉宗侍奉講此譜父詔兄勸誠敬以尊祖親睦以接族推恩及遠勿墜修譜之本義則吾門蕃昌尤有朕於今日乎敢忘僭越謹書卷尾如右云

叅議公十一代孫顯麟謹識